



Inatsisartuni ilasortaq Mimi Karlsen, Inuit Ataqtigiit

**Siusinaartumik pensionisiat pillugit inatsit pillugu § 37 naapertorlugu apeqqute-
qaammut nr. 214-imut akissutit**

22-08-2016
Sagsnr. 2016 - 12450
Akt ID. Nr. 3413964

Asasara Mimi Karlsen

Postboks 260
3900 Nuuk

Apeqqtinnut qujanaq.

Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

**1. Siusinaartumik sulisinnaajunnaarnersiutillit qassit ulloq 1.07.16 aningaasar-
singitsoorpat?**

Siusinaartumik pensionisiallit 151-it ulloq 1. juli 2016-imi siusinaartumik pensionisianik tunineqanngillat.

**2. Siusinaartumik sulisinnaajunnaarnersiutillit qassit aningaasarsiakinneruler-
pat?**

Siusinaartumik pensionisiallit juli 2016-imi siusinaartumik pensionisianik, juni 2016-imut naleqqiullugu ikinnerusunik tunineqartut qassiunerat maannakkorpiaq kisitsisaatigineqanngilaq. Taakkuninnga naatsorsuinerit qanittukut naammassineqassangatinneqarput.

**3. Sulisinnaajunnaarnersiutisinningsut 151 aningaasarsinningsoornerani suna
peqqaava?**

Siusinaartumik pensionisiallit 151-it pineqartut siusinaartumik pensionisianik tunineqanngitsoornerat, siusinaartumik pensionisiallit namminerisamik aningaasarsiaqqortunerannik aamma/imaluunniit inoqtigiit aningaasarsiaqqortunerannik pissuteqarpoq. 151-it ilaasa 39-t inoqtigiinni aningaasarsiaat 500.000 kr.-init amerlanerupput. Taakku aqqissuussineq nutaaq malillugu siusinnerusukut siusinaartumik pensionisiarisinnaasamik 20 pct.-ii annaasussaavaat, taakkumi imminnut naammattumik pilersorsinnaassuseqartutut isigineqarput.

Sinnerisa 112-it inoqtigiinni aningaasarsiaat 149.383-it 500.000 kr.-illu akornannik amerlassuseqarput. Taakkunannga 42-t namminerisamik aningaasarsiaqannginnamik, aqqissuussineq nutaaq naapertorlugu siusinaartumik pensionisiat qaffasinnerpaaffissaannik pisartagaqartussanngortitaassagunik aqqissuussinnermut nutaamut ikaarsaari- arnermi tunniunneqartartut qaffasinnerpaaffissaasa 20 %-iannik pisartagaqarsinnaati- taassapput. Taamaamat innuttaasut taakku sulisinnaassusiannik nalilersueqqinnissaq kommuninit nukingjunneqartariaqarpoq.

151-it ilaasa 13-it inoqutigiinni aningaasarsiaat 250.000 kr.-init ikinnerupput. Taakku siusinaartumik pensionisiaasa kukkusumik naatsorsorneqarsimasinnaanerit misissorluar-neqarpoq. Taamaattoqarsimangilaq. Taakku siusinaartumik pensionisiaqartitsinermit ilaajunnaarnerat namminerisamik aningaasarsiaqqortunerannik taamaallaat pissuteqarpoq.

Siusinaartumik pensionisiallit taakku 13-it tassaapput aqqissuussineq nutaaq malillugu kisermaat tallimat ikaarsaariarnermilu aqqissuussineq malillugu kisermaat tallimat, kii-salu aqqissuussineq nutaaq malillugu pingasut 60-ileereersimasut. Kisermaat taakku qulit namminerisamik aningaasarsiaqarput 153.185 kr.-it 249.643 kr.-illu akornannik amerlassusilinnik. Siusinaartumik pensionisiallit taakku qulit ilaat arfinillit namminerisamik aningaasarsiaat 200.000 kr.-init amerlanerupput. Siusinaartumik pensionisiallit 60-ileereersimasut pingasut pineqartut, aqqissuussinermit nutaamut nuunneqartut namminerisamik aningaasarsiaqarput 151.787 kr.-it 186.485 kr.-illu akornannik amerlassuseqartunik.

Tassa imaappoq tamarmik namminerisamik aningaasarsiaqarput imminnullu pilersorsinnaassuseqarlutik.

4. Kommunit kukkusimappat? N.O kukkusimappat?

Siusinaartumik pensionisiat eqqortumik naatsorsorneqarsimasussaammata pensionisiat tunniunneqarsimasut tamaasa maannakkut misissorneqarput. Pensionisiat naatsorsorneqarneranni kukkunernik nassaartoqangilaq. Siusinaartumik pensionisiallit 151-it pensionisianik tunineqartarunnaarnerat maleruagassat allangornerannik, tassa imaappoq siusinaartumik pensionisiallit aningaasarsiat apeqqutaatinnagit tunniunneqartartut minnerpaaffissaannik tunineqartarunnaarnerannik pissuteqarpoq, takuuk 3-mut akissut. Siusinaartumik pensionisiallit namminerisamik aningaasarsiaqangitsut, inoqutigiinni aningaasarsiat 500.000 kr.-init ikinneruppata tunniunneqartartut amerlanerpaaffissaasa minnerpaamik 20 pct.-iannik tamatigut pisarnissaasa ikaarsaariarnermi aqqissuussinermit qulakkeerneqanginnera tassunga pissutaavoq. Taamaammata siusinaartumik pensionisiallit tamatumangga eqqorneqartut salliutinneqartariaqarput.

5. Kræfteqarlutik allatulluunniit nappaateqarlutik sulisinnaangitsut qassit aningaasarsinngillat?

Siusinaartumik pensionisiallit kræftimik nappaateqartut qanoq amerlatiginerannik paassutissaateqartoqangilaq.

6. Kræfteqarlutik allatulluunniit nappaateqarlutik sulisinnaangitsut sulisinnasusaat aamma misileqqaarneqassappat?

Tungaviatigut imaappoq siusinaartumik pensionisiallit 60-it inorlugit ukiullit tamarmik sulisinnaassutsiminnik naliliiffigeqqinneqartussaasut. Siusinaartumik pensionisiallip sulisinnaassuseqanginnera qularnaappat, siusinaartumik pensionisialik sulinermit misilisinneqaaqqaarani naliliiffigeqqinneqaaqqaaranilu aqqissuussineq nutaaq naapertorlugu tunniunneqartartut qaffasinnerpaaffissaannik pisartaqagartussatut ingerlaannaq ikaarsaariarnerneqarsinnaavoq, tak. inatsimmi § 9.

7. Sooq Naalackersuisoq misissuisitsiniarpa? Inatsisiliaq erseqqeriinnginnami?

Siusinaartumik pensionisiat pillugit aaqqissuusseqqinneq akuersissutigineqarmat aaq-qissuusseqqinnerup malinnaaffigeqqissaarneqarnissaa aalajangiunneqarpoq, pineqar-tormi ilaatigut tassaavoq inatsit pisariusoq ilaatigullu tassaalluni inatsit innuttaasut san-giinnerusut imminnut pilersorsinnaassusiannik sunniisoq. Taamaammatt aaqqissuussi-nermik atuutilersitsineq sungiussiniarnerlu Naalackersuisoqarfimmit ingerlaavartumik malinnaaffigineqarpoq, aaqqissuusseqqinnerup politikikkut anguniagaasunut naaper-tuuttuunissaata qulakkeerneqarnissaa pillugu.

8. Jule feriap nalaani kommunit Namminersorlutik oqartussaniit nalilersuisussa-nik sulisussaaleqinermik kinguarsarneqarpat?

Siusinaartumik pensionisialinnik naliliisarneq, inatsit ulloq 1. juli 2016-imi atortuulermat aatsaat aallartippoq. Siusinaartumik pensionisialinnik 60-it inorlugit ukiulinnik nalileeqqit-tarnissaq inatsit malillugu ukiunut tallimanut naatsorsuussaavoq. Taamaammatt nalilee-qittarnissaq kinguaattoorfiunngilaq.

9. Ukioq manna sulisinnaajunnaarnerisut ikilineranni Nunatta karsia qanoq sipaarpa?

Inatsisip piareersarlugu suliarineqarnerani missiliorneqarpoq aaqqissuusseqqinneq 2021-mi tamakkiisumik atuutileriaruni ukiumut 14 mio. kr.-it tikillugit sipaaruteqarfiusaru-maartoq.

Inussiarnersumik inuulluaqqusillunga
Med venlig hilsen



Martha Lund Olsen